



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

De virtute orationis, & vtilitate sacræ lectionis. XII.

[urn:nbn:de:hbz:466:1-45790](#)

## CAPVT XII.

*De virtute orationis, & utilitate sacre lectio-*

*I. Thes. 5.*

3. *S*ine intermissione orate. Quare? Quia ubique sunt tribulationes & tentationes, ubique insidiæ, & immissiones per angelos malos. Rarè audiuntur bona noua, vbiq; insurgunt prælia multa, intus timores, foris pugnæ. Nulla dies sine labore, nulla hora absq; mortis horrore. Fiunt autem iusto Dei iudicio bella & incendia, propter hominam peccata; & vt electi excitentur flagellis ad celestia querenda. Ideoque continua oratio summè est necessaria, contra omnia mundi pericula: tanquam fortis lorica, contra hostium iacula. Qui non orat, non pugnat: & qui viriliter non resistit, citò vincitur, & coronam perdit. Sed quis potest semper orare & pugnare? Omnia potest, qui Deum inuocat, & in eo confidit. Nam propè est Dominus omnibus inuocantibus cum in veritate. Si non potes semper ore clamare, ora spiritu & mente, ora desiderio & pia intentione. Iuge sacrificium in ara cordis est bona voluntas semper bene agendi, & semper Deo seruandi. Semper enim orat, qui semper bene facit. Qui de præteritis malis dolet, & pro futuris bonis gemit, orare non definit. Dic cum fando David: *Domine ante te omnes desiderium meum, & gemitus meus at non est absconditus.*

2. Valde vilis est sermo Dei, & sacra lectio, ad recollendum animum per diuersa distractum, aut aliqua passione grauatum. Lectio ostendit rectani viam viuendi, exempla prouocant ad imitandum, oratio impetrat gratiam ad perficiendum. Bona est lectio de Deo, melior oratio ad Deum, optima operatio propter Deum. Beatus, qui omnia verba & facta sua ordinat ad laudem Dei, sicut in beatitudinis finem; ut sit Deus **omnia** in omnibus & super omnia benedictus & laudatus in secula.

3. Quomodo potest religiosus dici & effici deuotus, quem delectat magis fabulari, quam legere & orare. Qui libenter vana audit & leuia profert, vili precio animam suam vendit. In omni tribulatione & temptatione ad orationem recurre, sicut ad portum animæ tutum, diuinum implorando auxilium. Quanto citius, tanto melius: quanto tardius, tanto peius. Quanto saepius, tanto utilius: quanto feruentius, tanto Deo acceptius. Pius & misericors Deus vult rogari, causas dat orandi, spem promittit exaudiendi dicens: *Petite, & dabitus vobis.* Horratur verbis, prouocat exemplis: minatur virgis, blanditur donis; castigat aduersis, laetificat prosperis; & sic fit vespero & manè dies unus. Saepè etiam dat Deus experimentum internæ suavitatis deuotè orantibus, secretò manca-

*Matth. 7.*

*Gen. 1.*

manentibus, & libenter tacentibus; quod denegat fabulantibus, & foris vagantibus.

4. Qui vult bona noua audire, audiat Christum loquentem de regno Dei, de iudicio futuro, de cælesti Hierusalem, de felicitate ciuum supernorum, de ordinibus & choris angelorum, & gloria & honore omnium electorum, de præmio sanctorum lætantium in secula seculorum. Audiat Prophetas mysteria Christi nunciates, & peccatoribus poenas intonantes. Audiat Apostolos & Evangelistas, opera & miracula Christi aperè narrantes. Audiat Doctores pulchre sermocinantes, obscura clare exponentes, moribus vitam ornantes, hæreses & errores confutantes. Capiat qui libet, quod sibi deseruit & placet: nō spernat simplicia, nec reprehendat quæ non intelligit alta. Stultum est enim reprehendere sa- pientes, & iniquum indicare diuinos & sanctos.

5. Stude primò humiliter discere & parua implere, & Deus da-bit tibi maiora ( si utile fuerit) citius intelligere. Scriptum est e-nim: *Scientis bonum & non facienti, peccatum est illi.* Qui multa scit, & legit; si non facit, quæ nouit & didicit, vacuus & famelicus de bona mensa recedit. Qui raro orat, & parum laborat, diu frigidus & pauper remanebit. Qui contra vitia disputat & vitijs non resistit, bona semina inter spinas iactat. Paruum fructum de multis verbis colligit, qui orando cor à prauis cogitationibus non præ-munit. Felix anima, quæ ab omni impuritate irruente strictè se custodit: nec patitur quid morari in abdito cordis, quod ocu-los Dei latenter offendat. Humilis confessio peccatorum, pur-gatio est omnium vitiorum, in corde humili & contrito ante Deum.

6. Deuotus delectatur in precibus, studiosus in libris, virtuo-sus in virtutibus, superbus in honoribus, humili in despiciens, diu in prædijs, auarus in pecunijs, mendicus in elemosynis, gulosus in cibis & potibus, ociosus in fabulis, sobrius in abstinen-tia, sapiens in sapientia, bonus monachus in ordinis disciplina: super omnia autem delectat & lætitificat amor Dei, & bona con-scientia. Si vis vincere animæ tuæ nequissimos hostes, fuge, tace, quiesce, ora, jejuna, stude, labora. Sanctus cogitat sancta, loquitur vera, operatur recta, spernit præsentia, contemplatur æterna. Hu-milis audit consilia, prudens cauet pericula, patiens piè fert sibi molesta, diligens non negligit opera sua. Qui parua non cauet, ad peiora corruct.

7. Tepidus de manæ, raro feruerit in vespere. Qui citò abiijcit se torporem & arripit laborem, gaudium sibi acquirit & ma-gnum honorem: & si non ab hominibus, certè à Deo, quod est o-mnibus amplius optandum & præserendum. Nam ipse merces omnia

Nunciabo-na quæ.

*Ioan. 4.*

omnium bonorum laborum, sudorum, & dolorum, perpesque  
corona sanctorum. Ocioſus non ſatiatur fabulis, virtuosus etiam  
abſtinet à licitioſis. Ille bene ſtat & recte ambulat, qui in humilitate  
ſe fundat, & omnes mundi honores pro nihilo taxat. Ille optimè  
ſapit & ſapienter agit, qui ſoli Deo placere ſtudet, exteriora fi-  
git, interna quærit, cœleſtia appetit, terrena omnia fastidit atque  
deſpiciit, & amorem Dei omnibus bonis ſemper præponit.

## C A P V T XIII.

*De laude charitatis, & fructibus eius.*

2. Cor. 16.

1. **O**mnia veftra in charitate fiant. Nobilis virtus est Charitas  
quaे omnibus virtutibus ſupereminet, & ſcientijs & donis.  
Hæc Deum amplectitur & angelos ſociat hominibus, & de filijs  
hominum efficit filios Dei & amicos sanctorum. Hæc Christum  
fecit nasci de virgine, & crucifiſgi pro humana ſalute. Hæc anima  
à peccato purificat, & ad amandum Deum toto corde, toto affe-  
ctu, toto intellec̄tu, ſurſum trahit: ac mira dulcedine replet & ac-  
cedit. Hæc de peccatoribus facit iuſtos, de ſeruis liberos, de ho-  
ſtibus amicos, de peregrinis ciues, de ignotis familiares, de vagi-  
ſtabiles, de superbis humiles, de peruerſis mites, de tepidis feru-  
dos, de tristiſbus lætos, de tenaciſbus largos, de terrenis cœleſtes,  
& de indoctiſ sapientes. Hæc omnia operatur charitas diuina in  
crediendum cordibus, per Spiriſum sanctum datum eis de caelis.  
Hæc alas habet latiſſimas & longas; volat ſuper Cherubim & Se-  
raphim, & ſuper omnes choros Angelorum. Coniungit ſumma  
infimis, tranſit per media, redit ad tumma, vnum efficit de mul-  
tiſis; latificat omnes & ſingulos, non in ſeipſis vanè gloriantes, ſed  
in diuino amore ſe ſuper ſe extendeſt. Charitas circuit cælum  
& terram, mare & aridam; & omnia quaे videt & audit in crea-  
turis, ad laudem & gloriā refert creatoris. Non enim eſt aliiquid  
tam paruum & vile in rerum naturis, in quibus non luceat boni-  
tas entis, opus artificis, potentia creantis, ſapienſia diſponentis,  
& prouidentia omnia rectiſſime gubernantis. Hæc coniugatio  
facit animam deuotam Deum laudare, omni loco & tempore be-  
nedicere, exultare & iubilare. Per hanc animus ardescit intus, &  
ſicut cera liqueſcens à facie ignis; neſcit modum tenere, ſed ſuper  
omnia cæli luminaria voliſat, ut vnicum dilectum ſuum, & om-  
nium rerum conditorem, omnibus præſidentem, inueniat; quatenus in eo felicissime gaudeat, & ſecure quieſcat.

2. O quam iucundè, & quam bene illi eſt, cui adhaerere Deo, &  
ſecrete frui datum eſt! O ſi parum mihi gulfare liceat, quod an-  
gelis clarè patet, & finem non habet! Sed ad actiuā vitam redeun-  
dum.

Rpm. 7.

